

est. Ita etiā corpus quod in eo est, vel esse potest. At corpus & quod levitate in sublime, & quod grauitate deorsum fertur, in eo esse potest. Natura enim sua illud à medio, hoc ad medium mouetur. Ex his ergo perspicuum est, infinitū immensumque corpus esse non posse. Ac præterea si grauitas non est infinita, ne horum quidem corporum ullum immēsum futurum, præsertim cùm infiniti corporis necesse sit interminata etiā esse grauitatē. Similisque est ratio levitatis. Si enim infinita est grauitas, levitas etiā est, si infinitū immensumque sit id quod omnibus eminet. Sit enim finita, sumaturque A B infinitum corpus, C autem eius grauitas & pondus, detrahatur etiam ab eo quod infinitum est, B E definita magnitudo, & E sit eius grauitas: profectò E grauitas erit, quām C minor: minoris enim minor est grauitas. Dimetiatur ergo minor grauitas maiorem aliquoties repetita, & B D cum F B ut minor grauitas cū maiore cōferatur: ab eo enim quod infinitum est, quantumlibet auferri potest: certè si magnitudines & grauitates eandem rationem inter se habent, & minor grauitas minoris est magnitudinis, maior etiā maioris erit. Ita par erit, & aequalis rei terminatæ & interminata grauitas. Præterea si maioris corporis maior est grauitas, maior G B, quām F B grauitas erit. Ita maius erit rei determinatæ pōdus, quām interminata, magnitudinumque inæqualium idem erit pondus, cū res terminata & finita infinite sit inæqualis. Nec refert vtrum grauitas grauitatem æquare dimetiendo possit, an non possit. Vt enim non possit, eadem erit vis rationis: vt si E grauitas tertio C grauitatem metiens superet. Si enim B D tres magnitudines totæ sumantur, maius ipsarum quām C pōdus erit. Ita idem incommode sequitur. Sumi etiam possunt eiusmodi quæ metiendo æquare se possint. Nihil enim interest à pondere incipiamus, an à magnitudine. Vt si E grauitas sumatur, quæ grauitatem C æquare dimetiendo possit, & ab eo quod infinitum est id quod E grauitatē cōtinet, vt B D auferatur: deinde quā rationē pondus ad pōdus habet, eandē B D ad aliam magnitudinē, vt ad B F habeat. ab eo enim quod infinita est magnitudine, quantumvis detrahi potest: profectò his ita sumptis ac cōstitutis, & magnitudines & pōdera dimetiendose æquabunt. Nihil etiam intererit ad probationem, sitne pari,